

Ilmu Kewartawanan Guru SMKTPB Dimantapkan



LABUAN, 9 Ogos – Seramai 25 orang guru SMK Taman Perumahan Bedaun (SMKTPB) telah mendapat bimbingan berkaitan ilmu kewartawanan pada hari Khamis, bertempat di Bilik Mesyuarat SMKTPB.

Perkongsian ilmu kewartawanan telah disampaikan oleh Jurufoto Kanan Universiti Malaysia Sabah Kampus Labuan (UMSKAL), En. Azri Onn Othman.

Objektif program ini adalah untuk memberikan pendedahan kepada guru-guru tentang maklumat asas penulisan berita.

Dalam perkongsian ilmu, En. Azri Onn mengatakan bahawa maklumat asas untuk menulis berita ialah dengan menggunakan konsep (4W, 1H).

Setiap berita yang ditulis haruslah merujuk kepada (*What, Who, When, Where* serta *How*).

Berita yang ditulis biasanya merangkumi aktiviti seperti mesyuarat, perjumpaan, seminar, sukan, kebudayaan, keagamaan, lawatan, bengkel serta pelbagai pertandingan.

Tambahnya lagi, semua maklumat harus disampaikan dengan jelas bagi memastikan berita yang ditulis dapat dibaca dengan jelas oleh pembaca.

Selain itu, penulisan tajuk berita juga sangat penting agar tidak terlalu ringkas dan terlalu panjang.



En. Azri Onn memberikan taklimat berkaitan ilmu kewartawanan kepada guru

Melalui perkongsian ilmu ini juga, guru-guru yang hadir turut didedahkan dengan teknik mengambil gambar yang betul.

Jurufoto seharusnya mengambil gambar dengan betul agar menampakkan sisi depan sesiapa sahaja yang ada kaitan dengan peristiwa yang dijadikan laporan berita tersebut.

Semua objek yang boleh digerakkan perlu dialihkan terlebih dahulu sebelum mengambil gambar agar tidak menghalang pemandangan dalam gambar.

Pada akhir program, En. Azri Onn berharap agar semua guru dapat menghasilkan penulisan berita yang memenuhi kriteria yang telah ditetapkan.

Sebelum berakhirnya program, Penolong Kanan Pentadbiran, Pn. Chai Yee San merakamkan ucapan terima kasih kepada Jurufoto Kanan UMSKAL, En. Azri Onn kerana sudi berkongsi ilmu kewartawanan kepada semua guru SMKTPB yang terlibat.

Beliau juga berharap agar ilmu yang dikongsikan dapat dimanfaatkan oleh semua guru dalam menulis berita berkaitan aktiviti sekolah.

Turut hadir ialah Penolong Kanan Hal Ehwal Murid, En. Awang Adi Tuah, Penolong Kanan Kokurikulum, En. Yee Choon Hian serta Guru Kanan Bidang.

Berita Oleh : SMK Taman Perumahan Bedaun



Guru-guru mendengar taklimat daripada En. Azri Onn